

ԳԻՐՔ ԹՈՒՄԱՆՅԱՆԻ ՄԱՍԻՆ

1969 թվականին լրանում են մեր արվեստի մեծերից մեծաց՝ Թումանյանի և Կոմիտասի ծննդյան 100-ամյակները: Շքեղ տոն լինելուց զատ, այդ թվականը մեզ համար կլինի հոգսերի տարի: արվեստի մեջ սպանիչ ինքնահավաքնության, անպատասխանատու մակերեսայնության, սիրողականության ու քաղքենիության դեմ պայքարի տարի: Դա կլինի բարձր արվեստի ընդգծված պահանջի տարի և, այդպիսով, հայրենասիրության շքահանդես, քանի որ բարձր արվեստն ամենից առաջ մեծ հայրենասիրություն է:

Գրականագետ Լևոն Հախվերդյանն ահա այդ տոնի ու պայքարի հրապարակ է իշեցրել Հովհաննես Թումանյանի մասին իր ուսումնասիրությունը՝ «Թումանյանի աշխարհը»: Սևագրությունների, նախափորձերի, տարբերակների, կրած բացահայտ ազդեցությունների, վերստեղծումների, արվեստի թումանյանական գլուխգործոցների, բանաստեղծի անձնական կյանքի, հայ և միջազգային կյանքի հարադրումներով ու հակադրումներով՝ գրականագիտական ուսումնասիրություն լինելով հանդերձ, գիրքն ինքնիրեն, գրականագետի կամքից մի տեսակ անկախ, վերածում է ցավագին մարդասիրության, լավի երազային կարոտի ու հայրենասիրության ոգեշունչ կոչի: Գրականագիտական ուսումնասիրություն լինելով հանդերձ, Հախվերդյանի գիրքը ձեռք է բերում գեղարվեստական երկի հատկանիշ՝ վերաճելով խոր ատելության ընդդեմ մեր ու մարդու դարավոր ոստիս՝ տգետ ու բռնի հավակնության: Վերածում է, որովհետև այդպիսին է ինքնին հրականությունը, տվյալ դեպքում՝ Թումանյանի կյանքն ու գործը, և Հախվերդյանն էլ չի բռնացել նյութի վրա՝ հարմարեցնելով նյութը գրականագետի իր հասակին, այլ ընթացել է նյութի վերուվարումներով մինչև լեռնացում ու վայրէջք, հողեղեն Թումանյանի հունցվել-թրծվելուց մինչև վերջին թևաբախումն անէ, անգո, աստվածային հավերժի նաքուր ոլորտներում, մինչև նիրվանա՝ մարումն:

Այնքան լոռեցի՝ որ թվում է, թե նա համազգային էլ բանաստեղծ չէ, այնքան հայկական՝ կարծես նեղ ազգային-կենցաղագիր, վաղածանոր՝ որպես մեր պապերի խորհուրդները, առարկայական՝ կավի ծանրության՝ հյուսված անբողջությանը առարկայից ու շարժումից, ինաստասիրության տարրն իսկ չունեցող նրա գրականությունը մի հոյակապ ճախր է համազգային, համաշխարհային մտքի օլիմպիական բարձունքներում: Դա գեղար-

վեստի անթերին է և խնաստասիրության էլ անթերին, որովհետև խնաստասիրություն է գեղարվեստի հումկու թերով: (Տարածություն, առարկա և շարժումն, տարածություն, առարկա և շարժումն, կորչեն ածականներն ու թեկուզ հեգելյան մակարդակի դատողությունները - Թումանյանի ստեղծագործության քննությամբ եզրահանգում է գրականագետն ու առաջադրում որպես պոետական ճարտարվեստի ամենահեռահար զենք: Տեղին առաջադրանք, քանի որ մենք բոլորս էլ մի քիչ պաճուճապատողներ ենք և նոռացել ենք մեր վաճքերի անզարդ վեհությունը):

Եթե ճշմարիտ է, որ քանակով մեծ ոչ-բաղաքակիրթ ազգությունները երկարաւում են իրենց ստվարությամբ, ապա նույնաբան բացարձակ ճշմարտություն է, որ փոքր ազգերի միակ պահպանիչներն ուժացման՝ այդ տիեզերական ցրտի դեմ, նրանց ազգային արվեստի խոշոր անհատականություններն են: Նրանք փոքր ազգերի բախտավորությունն են: Թումանյանի գրականությունը մեր ժողովրդի բախտավորությունն է: «Պետական գործիչ պետականություն չունեցող ժողովրդի մեջ: Յայրենանվեր կյանք մի հայրենիքի, որ շատ թշնամիներ ուներ ու քիչ բարեկամներ: Նրա ամբողջ կյանքը՝ ստեղծագործական ու քաղաքացիական սիրագործություն: Թումանյանը ժողովրդի զոհասեղանին դրեց և կյանքը, և հանճարը»: Դեռ պատամի՝ Արևմտյան Յայատան գնալուց նրան հետ պահեց միայն պատահականությունը, հայթաթարական ընդհարումների տարիներին նա կանգնեց երկու կողմից հանված սրերի մեջտեղը, ապա դասագրքեր էր կազմում հայ մանուկների համար, բացակայում էին հայ մանկական բանաստեղծությունը, հեքիաթը, պատմվածքը, գրույցը, և նա գրում էր մանկական բանաստեղծություն, պատմվածք, գրույց: Եղերնի օրերին ընտանիքով ռազմաճակատում ու գաղթականության հետ էր: Արտավազդ որդին զոհվեց Վանի դիրքերում, ինքը որբերի բազմության մեջ մի ամսում ծերմակեց ու ծերացավ: «Յովիաննես Թումանյանն այդ դժոխքի մեջ է, գործում է, բարեբախտաբար, չի գժվում» (Լեռ. «Անցյալից»): Այդպես՝ «Անուշը», «Պատրանքը», «Սիրիուսի հրաժեշտը», «Մի կարիլ մեղրը», «Վայրէջքը», քայլակները, նրա հանճարի ու ներ ազգային հանճարի այդ վավերագրերը, պատահաբար փրկված պատառիկներ են: Նա չկարողացավ փրկել իր ժողովրդին, բայց փրկված կեսին օժտեց իր գլուխգործողների հզրությամբ:

Բեմադրիչ և գրող Ֆելինին արվեստագետի մասին իր «Ութ և կես» շարժանկարն սկսում է երազով. հեղձուկ անշարժության մեջ շնչասպառվող արվեստագետը ողբերգական ճիգով ներքև է թողնում տաքություն ու ապականություն արձակող ինքնաշար-

Ժերի նախիրը, հոսքագծերի ոստայնը, կամուրջների երկաթյա ծանրությունը, մեռելահայաց շենքերի բետոնային անզգայությունը, համբառն՝ և մերձենում անպերի ճերմակ զովությանը՝ դեպի մեղեղիների աստվածային ծավալումն ու դեպի օդ, վճիտ օդ, ուր լուսնի շողը կղողանջեր երգեհոնի ազնվությամբ,- բայց ահա ներքնից պարան են նետում և նրան քաշում ներքն, գահավեժ անկում անպերի փափկությունից մինչև երկրի կարծրություն։ Այդ՝ շարժանկարն ահա ասես Յովիաննես Թումանյանի մասին է։ Այդ հարյուր անգամ Թումանյանը գահավիժեց թրքական անայլայլ իժությամբ, ցարական պաշտոնյաների ճարպոտ նեծապետականությամբ, վրաց մենշևիկների խարերայությամբ, մեր բոլոր, բոլոր թշնամիների ու հոգսերի սպանիչ ծանրությամբ։

Յայրենասիրությունն էլ, բնապաշտությունն էլ, հառաջանքն էլ Թումանյանի համար բովանադակություն դարձան կյանքի ու ստեղծագործության դժվար վերելքի հետ։ Յառաջանքը բարից մինչև խո՞ր թառանչ, Բուդյայի ուսմունքին իր տեղյակությունը հայտնող, նիրվանայի բանաստեղծական մեկնությունից մինչև անձնական ու ազգային ճակատագրով բռնի ներխցկումն բուրդայականության անօդ սրվակ, ոճաստուծոց մինչև գոյի-զգոյի չսահմանազատվող անիմանալիություն, հայրենասիրության, պատկանյանական հեգումներից մինչև եզմիածնի պատերի տակ փլված գաղթականության մեջ մի ամսում ծերացող պատարագիչ («Յանգե՞ք իմ որբեր... իզո՞ւր են հուզմունք... իզո՞ւր և անշահ...»), ծննդավայրի բնության պատանեկան կարոտից մինչև ի մեջ մարդկան պարտված հայ բանաստեղծի ու հայորդու ըղձանք՝ հալվելու, ծուլվելու բնությանը։ Ե՞տ, ե՞տ դեպի մանկություն ու մանկությունից էլ դենք։ Պարտությունների այս ինչքա՞ն բեռ դրեց աշխարհը նրա ուսերին։ - Ահա գրականագետի Թումանյանները, որոնք ուսումնասիրության գերազանց գրված վերջում դառնում են մի ողբերգական վիրխարի կերպար՝ վերջին հանդարտ ծխեռով ծխացող հանգչող հրաբուխի վեհությամբ։

Գրականագետ Լևոն Յախվերդյանը մեզ համար գրել է մենագրություններից դժվարագույնը. Թումանյանը մեր մանկությունն է, իսկ մանկության տարիներին սովորած բառերը չեն ստուգաբանվում։ Յախվերդյանն ահա ստուգաբանել է հայացքի ու ընկալման զարմանալի թարմությամբ։ Յախվերդյանի գիրքը կարդալուց հետո Թումանյանի տողերը, Վաղուց ծանոթ տողերը դարձյալ դիմադրում են՝ ինչպես առաջին ընթերցման ժամանակ, և նրանց միջով առաջանում են դժվարությամբ։